

**Informativa fata cunforma a s'articulu trexi (art. 13) Regulamentu Unioni Europea Duamilla-e-sexi/sexentus-e-setantanoi (UE 2016/679) REGULAMENTU GENERALI AINGIRIU DE S'AMPARU DE IS SCEDAS PERSONALIS (RGDP o GDPR in lingua inglesa = "General Data Protection Regulation")**

Su Comunu de Solèminis, cun sedi a Solèminis, Bia Crèsia, nùmeru dexeotu (n. 18), Curreu Eletrònicu Tzertificau (PEC): *protocollo.soleminis@pec.comunas.it*, Telèfunu: 0707499030 (Ufitziu Sport), comentu a **Titulari de su manìgiu de is scedas**, at a manigiai is scedas personalis decraradas in custa modulistica, de paperi e finas a truessu de ainas informàticas e telemàticas, **sceti cun sa tenta de ndi acabai is atividadis de spartzidura de is serbìtzus preguntaus, in su faimentu de is fainas de interessu pùbricu o comentisiat acapiadas a s'esertitziu de is pùbricus poderis pròpius de s'Enti**, arrespetendi is printzìpius cunforma a su chi ndi bessit de su Regulamentu Unioni Europea Duamilla-e-sexi/sexentus-e-setantanoi (UE 2016/679).

Dda feus sciri ca su manìgiu de is scedas aingiriu de sa personi Sua at a èssiri fatu segundu is maneras giustas a ndi assigurai sa siguresa e reservadesa e imperendi su paperi, is ainas informàticas e/o telemàticas po s'asciollimentu de is atividadis de s'Aministratzioni.

Su manìgiu de is scedas est cunformau a is printzìpius de legitimidadi, curretesa e traluxèntzia e, in acòrdiu a su printzìpiu de sa chi nant "*minimizatzioni de is scedas*", is scedas preguntadas funt apanniadas, de atinèntzia e limitadas a faci de is tentas de su manìgiu etotu.

Pruschetotu, is scedas ddas arregollint e ddas assentant sceti po is tentas arremonadas e sa dinnidadi e reservadesa Sua ant a èssiri asuta de amparu.

Su decrarai is scedas cunforma a custa modulistica est a praximentu, perou su no ddas decrarai at a bolli nai ca s'Aministratzioni no ndi podit imperai is scedas po is tentas inditadas, diaici chi no at a podi spartziri is serbìtzus bòfius.

Is scedas arregortas in custa pregunta ddas podint fai sciri, chi norma de lei o de regulamentu ddu ponit in contu, a àterus sogetus pùbricus scioberaus aposta e/o spainaus, innui est fatu òbrigu, apustis de ddas èssiri pubricadas in s'Albu Pretòriu in s'Arretza (cunforma a s'articulu trintaduu, Lei sessantanoi/Duamilla-e-noi – L. 69/2009 art. 32) o finas in sa setzioni de su giassu istituzionali de s'Enti chi dda nant "Aministratzioni Traluxenti" (cunforma a su Decretu Legislativu trintatrees/Duamilla-e-trexi e mudàntzias e aciuntas afatantis – D.Lgs. 33/2013 e ss. mm. ii.).

Is scedas decraradas ant a èssiri manigiadas de s'Aministratzioni po su tempus sceti a ndi asciolli s'atividadi amministrativa a issa acapiada e ddas ant allogai in cunformidadi de is normas aingiriu de su stùgiu de sa documentatzioni amministrativa.

Is scedas ant a èssiri manigiadas sceti de su personali, de chini agiudat a s'Enti o de chini ndi benit de foras nomenau apostu de su Titulari comenti a Responsàbili de su manìgiu.

Bogadas is possibilidadi arremonadas, is scedas no ant a èssiri trasmitias a àterus ni ant a èssiri scoviadas.

Is chi funt interessaus tenint su deretu de preguntai a su Titulari de su manìgiu de podi intrai issus etotu in is scedas personalis insoru, de ddas curregi o de ddas scancellai e de ponni làcanas a su manìgiu insoru o de andai contras a su manìgiu etotu, cunforma a is articulus cuìndixi e afatantis de Regulamentu Generali aingìriu de s'amparu de is scedas personalis (RGDP artt. 15 ss.).

Apòsita pregunta est presentada andendi a ndi chistionai cun su Responsàbili po s'amparu de is scedas (DPO, "*Data Protection Officer*").

Decraru ca apu arriciu totu is noas cunforma a s'articulu trexi de su Regulamentu Generali aingìriu de s'amparu de is scedas personalis (RGDP art. 13) in arrelatu a is scedas càpias in sa modulistica chi ddas acumpàngiat.

Su chi est interessau a su manìgiu de is scedas

---

(Firma po interu)